



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

6. De præstantia vitæ contemplativæ.

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

colliguntur, quando sic in potestate sunt, ut nihil obstrepant, aut avertant animam contemplantis ab unione cum Deo per contemplationem & amorem; sed potius cooperentur suo modo, atque subserviant.

tum animam.

CAPUT VI.

De praestantia vite contemplativa.

Commendavit illam Christus illis verbis: *Gratia Maria optimam partem elegit, qua non auferetur ab ea.* Ubi est notandum, quod ait Mariam elegisse. Nam, etsi Deus inspirator esse debet suscipiendi vitae genus, praesertim tam eximium: homo tamen ipse obsequitur vocanti, & cooperatur.

& libertas principia status.

Vocat autem *optimam partem*, quo praefert eam vitae activae, nam conjungit magis hominem summo bono, similioresque Deo facit & Angelis, perficiendo ipsam secundum nobilissimas potentias rationales, intellectum & voluntatem, atque istas per actus omnium excellentissimos; nempe contemplationem primae veritatis, & amorem summi boni, à quibus actibus deinde provenit amor proximi, & fervor, atque devotionis sensus in operibus bonis perficiendis.

Amor proximi. In statu confer- vat.

Addit porro Dominus: *qua non auferetur ab ea.* Nam quos Deus semel ad eam vitam vocavit, vult in ea permanere, nec ullis ob-

2.
Non im-
pedit.
Cant. 2.
7. *Ec.*
3. 5.
2.
Nunquã
aufert.
*De Ci-
vit. in
fine.*

stituto revocari. Deinde vult, ut à consuetis
ejus vitæ exercitationibus, per tempora distri-
butis, nullo modo patiantur se impediri, aut
distrahi, quovis alio prætextu meliorum. Nam
in ipsos dicitur, sponso, *Ne suscitatis, nec evi-
gilare faciatis dilectam, donec ipsa velit.* Voleat
autem, quando id esse voluntatis divinæ, ex
obedientia intelliget. Denique Deus nun-
quam auferet hanc partem ab eo, cui semel
contulit, sed eandem perficiet in æternitate,
ubi cessante actione toti Deo vacabimus, a-
mabimus, & laudabimus, ut dicit Augustinus.

CAPUT VII.

De vitæ mixtæ excellentia.

MIxta est, quæ contemplationi addit actio-
nem, cujus vitæ mixtæ respectu con-
templativam solam Dominus vocavit *partem*,
quia non est totum bonum. Hanc Christus
expressit, deinde Ioannes Baptista, Apostoli,
Doctores Ecclesiæ, aliique viri sanctissimi secu-
ti sunt. Significata verò est in *scala Jacob*, per
quam *Angeli ascendebant & descendebant.* U-
tique homines Angelis similes, modò ad cæ-
lum per contemplationem se attollentes, mo-
dò se ad terram demittentes, causâ proximos
juvandi per opportuna ministeria. Et quam-
vis ista perfectio videatur esse paucorum, ut
ait Cassianus; tamen ipsa contemplatio amor-
que divinus, dum proximi charitatem accen-
dit,

Gen. 28.
12.

Collat.
19. c. 9.